



Terenga 6: Hōtaka 16 - Rerehāngū: 'He mea...e...'

He Mihi

Nau mai e ngā reo o te motu me he kōpara waraki i te ata hāpara. Ki konei tukuna ai e tātou ō tātou reo kia pāorooro, kia tawetawē, kia ketekete i te wao o Ako.

Hei Mahi Whakarongo

Me mihi rā te rangapū hanga hōtaka o Raukauri, nāna te hōtaka o Whakataukī i hanga. He hōhono ngā kōrero kua puta i a ia hei tūhono i ngā whakaaro ki te wā o ō tātou tūpuna. Anei ngā pātai hei whakautu mā koutou:

- 1) I hangaia a wai?
- 2) I hangaia e wai?
- 3) I hangaia taua mea hei aha?

Kia whakarongo ake tātou ki ngā kōrero a te Ahorangi, a te Tohunga, a tētehi o te Tokotoru a Paewhiti, ki a Pou Temara.

He Whakamārama


Anei tētehi rerenga hāngū anō hei whakaū mā tātou. He rite tonu te tikanga o ngā rerenga hāngū e rua e whai ake nei:

- a) He mea hanga te whare e Haki.
- e) I hangaia te whare e Haki.

He mea _____ e...

- Ka tīmata tēnei rerehāngū ki ngā kupu 'He mea'
- Ka whai te tūmahi i ngā kupu 'He mea', engari kāore ōna whiore hāngū
- Ka whai te kaimahi i te pū 'e'

He Mahi Ī-papa



Hurihia te rerenga hei rerehāngū ka tīmata ki te kupu 'He'

Hei Mahi

Hurihia te takoto o ngā kupu i ngā rerehāngū nei, engari me rerehāngū tonu te rerenga.

1. I kōrerotia te paki e taku hoa.
2. He mea whai e rātou te ara poka.
3. I tīkina atu ngā taonga e te kuia nō Ngāti Porou.

Whakautu:

Mahi ĩpapa: He mea whakatō ngā kākano e taku pāpā ki te māra.

Hei Mahi:

1. He mea kōrero te paki e taku hoa.
2. I whāia e rātou te ara poka.
3. He mea tiki atu ngā taonga e te kuia nō Ngāti Porou.